

NTŠHA SA MAFAHLENG A GAGO

Boipiletšo bja gore Setšhaba se romele Ditšhišinyo le Ditshwayatshwao

Komiti yeo e Hlaotšwego ya Kgwebo le Intasteri, Tlhabollo ya Ekonomi, Tlhabollo ya Dikgwebopotlana, tša Boeti, Mešomo le Thwalo e laletša batho bao ba nago le kgahlego gore ba romele ditšhišinyo tšeo di ngwadilwego ka Molaokakanywaphetošo wa Dikhamphani [B27 – 2023] le Molaokakanywaphetošo wa Bobedi wa Dikhamphani [B26-2023].

Molaokakanywaphetošo wa Dikhamphani [B27 – 2023] o nyaka go:

- Fetoša Molao wa Dikhamphani wa 2008, gore go fetošwe tlhathollo ya 'ditšhireletšo';
- Tlatholla ka go hlaka gore Tsebišo ya Phetošo ya Memorantamo wa Kopanyo e thoma go šoma neng;
- Laetša phapano ya ka moo tokelo ya go fihlelela direkhote tša dikhamphani e ka bago le magomo ka gona;
- Laetša boitokišetšo, kalo le go boutela pholisi ya putseletšo ya dikhamphani le pego ya putseletšo ya balaodi;
- Go laetša ka go hlaka gore go be le go faela khophi ya setatamente sa ditšhelete sa ngwaga ka ngwaga;
- Go matlafatša kgorotshoko gore e kgonthiše tlhologo ya bomenetša, kabo le go fiwa ga dišere;
- Hlatholla ka moo go ka swaraganwago le dišere tšeo di sego tša lefelwa ka go felela;
- Go se akaretše khamphani yeo e laolwago ke khamphanikgolo go dinyakwa tša go amana le thušo ya ditšhelete;
- Laetša mabaka ao go nyakegago sephetho seo se ikgethilego gore khamphani e reke dišere;
- Katološa tlhathollo ya sekema sa dišere tša bašomi go akaretša mabaka ao go rekwago dišere tša khamphani;
- Laetša mabaka ao khamphani ya phoraebete e ka bago khamphani ya go lekodišišwa ka gona;
- Swaragana le tlhamo ya komiti ya leago le maitshwaro;
- Laetša kgatišo ya kgopelo ya gore go se be le senyakwa sa go thwala komiti ya leago le maitshwaro;
- Laetša gore go be le kalo ya pego ya komiti ya leago le maitshwaro kopanong ya kakaretšo ya ngwaga ka ngwaga goba kopanong ya bengdišere go eya le gore ke kopano efe e bago gona;
- Netefatša phapano ya mešomo magareng ga Modulasetulo wa Kgorotshoko ya Bonamodi bja Dikhamphani le Moofisirimogolo wa Ditshepetšo; le
- Go swaragana le merero ya go sepelelana le yona.

Molaokakanywaphetošo wa Bobedi wa Dikhamphani [B26-2023] o nyaka go:

- Fetoša Molao wa Dikhamphani wa 2008, gore go fetošwe dinako tšeo di beilwego mabapi le ditshepetšo tša gore go hwetšwe gape tšeo di lahlegilego, tšeo di sentšwego goba ditshenyagalelo gore motho yoo a nago le maikarabelo a lefišwe go ya ka karolo ya 77 ya Molao wa Dikhamphani;

- Fetoša dinako tšeo di beilwego tša go tliša kgopelo ya go tsebagatša motho gore ke mosenyi goba go ya ka karolo ya 162(2) le (3) ka tlase ga Molao wa Dikhamphani; le
- Go swaragana le merero ya go sepelelana le yona.

Batho ka bonoši le batšeakarolo bao ba nago le kgahlego ya go fa ditshwayatshwao ba kgopelwa go romela ditšhišinyo tšeo di ngwadilwego go Komiti letšatši pele ga 12:00 pm ka Mošupologo wa la 29 Janaware 2024. Bao ba nyakago go dira ditšhišinyo ditheetšong tša setšhaba ba swanetše gore ba tloge ba laetša se, feela ba lemošwa gore ba swanetše go dira dikgopelo yeo ya go tlo bolela ka molomo wa go ja bogobe go Komiti.

Dikhophi tša Melaokakanywa di ka hwetšagala go www.parliament.gov.za

Dikgokaganyo ka moka di ka lebišwa go Mna M Ray, Modulasetulo: Komiti yeo e Hlaotšwego ya Kgwebo le Intasteri, Tlhabollo ya Ekonomi, Tlhabollo ya Dikgwebopotlana, tša Boeti, Mešomo. Ditšhišinyo di ka romelwa go diimeile aterese tše di latelago: mkoff@parliament.gov.za le ndinizulu@parliament.gov.za.

Dinyakišišo di ka lebišwa go Mdi M Koff go 083 709 8527, goba ka imeile go: mkoff@parliament.gov.za goba go Mdi N Dinizulu go 083 709 8393 goba ka imeile go ndinizulu@parliament.gov.za.

**Taletšo e tla ka: Mna M Rayi, Modulasetulo: Komiti yeo e Hlaotšwego ya Kgwebo
le Intasteri, Tlhabollo ya Ekonomi, Tlhabollo ya Dikgwebopotlana, tša Boeti,
Mešomo le Thwalo**